

丹陽縣志補

遺二十卷

攷證

丁卯五月

丙寅六月鏤版
丁卯六月印行

丹陽縣志補遺序

中華民國肇造之六年伊通齊公照岩長省政通令各縣續修縣志縣知事獨山胡公禮延孫先生竹西暨厲君玉甫董君影禪郭君子嘉胡君尹皆林君立三爲籌備員時榮亦以粗諳掌故而與其列推定孫先生爲主任設志局於公園之荷花廳議以六月採訪期三月審查期而分纂以六月協纂總纂及繕校各三月期以二年成書而剞劂印刷不與局費係於賦稅內附加銀一分由縣署徵存備用至修志體例則仿照上海於前志外另編續志而前志之補遺考證則於續志外另爲一

丹陽縣志補遺

序

一

編使與續志不混論者於續志之斷代爲書或病其未當此爲長省政者所制定意在備省志之取材非局中人所得而變易也局中人不能無憾者有二曰官牘無徵曰經費不裕用是志成無日故終孫先生世屬稿不過半數會軍事倣擾地方喘息初定咸視志書爲不急之務此舉殆將輟廢榮深惜之幸縣長寶山袁公有鑒於此復聘榮與尹皆爲協纂佐賀君靛云賡續成之尅期數月蒞事經費雖稍有規畫而官牘則曠日持久百計求之不一應且諉爲兵燹散失加以靛云遠宦京師郵書往還動輒經月榮以協纂兼主局務於地方掌

故夙多記載又嘗任通志之徵訪至是而散者整之略者詳之複者去之誤者訂之闕佚者補輟之卽向之無所憑藉如疆域鄉都賦役兵防風土之屬亦分類纂輯賴輿云筆削而成第終以官牘無徵不免因陋而就簡此則榮與輿云同引爲缺憾是在後來有修志之責者有以彌縫其闕失勿似榮等之率略而勉強告成也剗剗旣就謹舉修志顛末以諗閱者

中華民國十五年歲次丙寅仲冬邑人周桂榮序於練東師竹齋

丹陽縣志補遺目錄 附考證

卷之一

山水

卷之二

水利

卷之三

城郭 橋梁 閘壩 堰埭附

卷之四

兵防 兵事附

卷之五

丹陽縣志補遺

目錄

一

祀祠

寺觀

卷之六

陵墓

古蹟

卷之七

職官 教職附

卷之八

選舉 武科附

封爵 蔭襲附

名臣

卷之九

仕進

武職附

卷之十

儒林

文苑附

卷之十一

忠節

卷之十二

孝友

卷之十三

丹陽縣志補遺

目錄

二

隱逸

方技

卷之十四

方外

流寓

卷之十五

義舉

卷之十六

列女

卷之十七

咸豐殉難表

卷之十八

藝文文

卷之十九

藝文詩

卷之二十

書籍

丹陽縣志補遺

目錄

三

丹陽縣志補遺卷之一

山水

山

觀音山

見前志

山多竹樹知縣謝奕驥竹林消夏詩津吏

炎塵急送迎河干偶羨竹林清從來只飲雲陽水愧

食山僧筍蕨羹

經山

見前志

東有仙人石石容一人臥上可枕中正適體

手足皆有著處旁有罇如瓶口大可插塵尾

舊志云晉時已有銀杏未詳所始

張少時宿經山寺詩連朝留我雨多

情獨臥禪房旅思清夜半覺來燈一點滿山松柏戰寒聲賀世壽有經山銀杏記見藝文

丹陽縣志補遺

卷之一 山水

一

陳山

見前志

朱彥章詩巨靈闢兩山飛泉擬白龍繚繞陳

山路蕭疏古岸楓

黃連山

見前志

相傳有黃連樹生其上大可十圍故名

沈山

見前志

姚鵬題沈山詩地偏少來客山青多似春聊

憑杖履力得與雲霞親惟有月留我更無塵污人沈

公不復見清風嘯松聲

李家山

見前志

知縣謝奕驥有李山秋色詩李山風景未

曾遊今見王維畫裏秋翠柏丹楓相掩映雁行先已

到林泉教諭過于飛詩山靜秋高漸有霜幾多松翠

間楓黃與君一盞燒紅葉又聽樵吹入遠岡邑人潘

之彪詩露白風清事事秋杖藜尋壑更經邱楓林幾

幅王維畫懸向山庭不肯收

白鶴山

見前志

孫鍾墓在焉前有支子岡

以上錄乾隆志

望仙墩

在縣東南七十里世傳焦飛昇人於此望之故名

九女墩

在縣南四十里高數丈其下即辰溪墩旁有石穴深不可測土人時見青衣女子出遊蹤跡之

不可得

望子墩

縣南八里明嘉靖中海瑞與湯禮敬以直言見忤同被謫因契交依寓信莊海以督課杖斃其

子葬於莊前後追悔每臨墩望塚而泣故名以上乾隆志古蹟移錄於此

鳳凰山

見前志

清咸豐六年提督張國樑破賊於此

嘉山

見前志

寺前有龍池池外有龍亭亭外有龍爪石石

丹陽縣志補遺

卷之一 山水

二

上現龍爪痕相傳下有石井云

水漸山

見前志

一名天馬山以形似馬故云旁有小山如

鞞鞞等物

倪山

見前志

中有孔道由西而北為桃花界

巖山

見前志

一名白雲山因孫氏居此名孫山又名南山

孫育構七峰山房遂謂之七峰山餘詳古蹟

周山

見前志

上有化城寺清季建

雙獅子山 在縣西二十里兩山相距高可六丈其上

平行狀若伏獅下有回塘可資灌溉

小茅山 在縣東南三十二里上有三茅宮

磨盤山 在縣東北三十五里

下山 在縣東北三十五里

丁山 在縣東北四十里與管山連屬上有仙人石室

梅山 在縣東北三十五里與雞籠山連屬

二虎山 在嘉山後北有巨石名釣魚臺

橫山 在縣東北四十里與鳳山連屬

混沌山 在縣東北四十里以形似餛飩故名所產白

土與倪山等

堡城山 在縣東北四十五里

煤炭山 在縣東北四十里以山石似煤故名

丹陽縣志補遺

卷之一 山水

三

筩斗山 在縣東北之新洲以形似筩斗故名前在江

心突出近已高五六丈上有觀音庵

龜山 在縣東北之盪洲產青石

大夫墩 在祇林寺西相傳魯肅墓在焉

獅子墩 在縣西二十里相傳聲發如雷天必大雨

分水墩 在縣南一里簡橋北

六壬坂 在經山仙人石之北又名落人坂以其險也

歷其地恍如行棧道中峽口石壁對合如門亦稱爲

小劍門楊元盛有詩

毛桃凹 在縣東北四十里彭山之西四圍皆高峰相

傳昔有毛隱君築室於此遍植桃林有古桃源意因名

水

酒流灣 在縣東北尚德鄉相傳高麗女覆酒處桓彥

範墓在此錄康熙志

寶帶河自北關城河入小橋紆折而南過土地橋太平橋至仁智橋出口歲久淤墊積土成阜嶽廟民房侵踞比櫛形家每言寶帶河開官司士民均受利益清康熙二十一年知縣吳之彥建議重開稍為挑浚後又湮沒今則竟成平地矣

丹陽縣志補遺

卷之一 山水

四

竇家支河見前志資水利者自行挑浚

丁義瀆見前志明崇禎中諸生盛如林首倡挑浚

吳塘見前志梁吳游造吳游龍母父事詳慈感廟下

石潭見前志相傳石潭秋月為雲陽八景之一以上錄乾隆志

張塘

莊湖塘在縣西南

金鷺池見前志

蓮池 在雲陽驛中唐許渾詩逆池秉燭遊心意

報恩池 在縣市東謝家場北相傳王姓者好食鱉一

二放之後事覺恐被撻潛投於池鱉叢負得不死故名

放生池三 一在雲陽橋北香巖寺前池上有尊勝一在石幢唐時立

大同寺中一在延陵鎮

龍池二 一在嘉山禱雨靈應一在彭山

湯家灣泉 源出彭山東北流經埤城入大江

延陵沸井見前志古蹟

白鶴三仙廟前井 在縣西十五里鍾離村其井最深俗傳孫鍾

灌瓜井也

謚母丹井 在仙臺觀

葛洪丹井 在縣東四十里灣頭邵巷兩井相連石闌如環玦汲痕數

十深數寸許

丹陽縣志補遺

卷之一 山水

五

焦光丹井 在歸真觀

丁令威丹井 在太霄觀

陶真人丹井 在華陽上館江府志錄鎮

相公堂下井 在縣治譙樓東古老有詩云相公堂下井卻似長官清嘉熙丁酉年知縣姚德

輝以風水不宜塞之

三教井 在縣南二里井底有石人三遇大旱水涸則見世俗以為肖儒釋道三人

辣井 在珥村其味苦辣取以釀酒甚清冽

赭山丹井 在縣東北四十里沈山之麓

西來泉井

南斗井

北斗井

並在縣北二十里大同寺內

薛家井

在姜堰村薛宅委巷內井深四十餘尺汲水須修綆三四丈天欲大雨先涌溢平井口

鄉人以爲驗

以上列乾隆志古蹟移錄於此

九曲河

見前志

自縣北陳家橋起爲運河支流經華甸橋

山城橋訪仙橋曲水橋綿長七十里達於江兩岸民

田沾水利者一萬六千三百餘畝潮泥淤積屢濬屢

淤石閘兩座毀廢已久

香草河

見前志

在簡橋以西經觀莊橋皇甫莊橋大里橋

舊縣橋通震澤湖又經雁北橋景家渡入丹徒界又

經張家橋直溪橋入金壇界濱河涵閘林立農田資

丹陽縣志補遺

卷之一 山水

六

灌溉者數萬畝但居長山句曲山之下游山水暴發

河流漫溢易成水患兩岸農田雖加高河埂預爲隄

防而大水之年此決彼坍動多淹沒

簡瀆河

見前志

唐置簡州以此瀆得名自簡橋經麥埤堰

延陵鎮入金壇界兩岸互有涵閘凡四十餘里每遇

河道淤塞照河工實錄官督民辦按畝派夫按夫派

土其利甚溥

珥瀆河

見前志

自縣東麥舟橋經珥陵流入金壇界江潮

漲落泥沙淤積已久往來行旅冬令均感不便而疏

濬之役屢興屢輟則以交通利益三縣雖屬相同而

金壇溧陽實占優勝以此河不通若壇若溧必須繞道常州始能上達甯鎮下通蘇常也故濬河之費說者咸謂當由壇溧任之

越瀆河

見前志

在縣東二十五里亦運河之支流也自導

墅橋至白鶴溪凡二十里全恃大壩灣一帶瀉入金壇庶無水患現河壩高難資宣洩鄉董等擬集議開浚並改壩爲橋或多築涵洞以利久遠云

破岡瀆

見前志水利

上容瀆

見前志水利

呂瀆港

見前志

北高南下北通青龍橋入運河南經時橋

丹陽縣志補遺

卷之一 山水

七

羅家橋籐村迄三溪壩綿長二十餘里民田之待灌溉者有三十六溝門共田數萬畝三溪壩舊有田址堵塞廣一畝有奇與白鶴溪不通蓋斷港也土人稱之曰絕頭河前志云南通白鶴溪非也夏日蓄水以灌田冬日截湖以濟漕公私稱便萬厯間南京禮部尙書姜寶因冬運改爲夏運冀通舟楫開壩疏濬河流一瀉澈底生塵民田之水利盡失崇禎間旣復冬運太常寺卿姜志禮規復舊制兩岸之資水利者稱頌弗衰清雍正間又有以開壩疏濬請於上官者幸格於公論乃止後來時局遞更雖無濟漕之益而溉田則永賴

其利矣

包港見前志 上通運河下達夾江內有林港界港趙家港

各支流歲旱資以灌田禾歲澇資以洩山水近則武

進新灘幾與揚中灘地啣接故每遇大水之年夾江

之水超過大江近港一帶遂成澤國

蕭港見前志 一名蕭梁河尚德永濟兩鄉以河為界

馬嘶港見前志 洪武二十七年富莊賊作亂信國公湯和討之屯兵於此賊謀夜半劫營忽村

雞於二鼓時鳴公令整束待敵適賊至一戰而勝賊遁去公追之阻此港有神馬前嘶引渡竟滅賊因名焉年久淤塞隆慶二年同知馬豸督濬通江旱澇有濟民立祠祀之

萬頃洋見前志 為九里南一巨浸上至丁角下至馬黃壩

丹陽縣志補遺

卷之一 山水

八

縱數十里橫數十里受高驪長山七十二汊之水濱

洋之田資以灌溉清初馬黃壩廢僅剩一衣帶水咸

豐中提督張國梁依長山節節築壘進攻粵逆水利

盡失今則多為濱洋居民所侵占云

萬壽湖 在縣東北四十五里埤城鎮西久已廢湖為

田而名尚存

太平河 在縣東北四十五里之埤城東至太平港入

江西至丹徒朱灣港止明天啟時里人邵士祿擬集

款開通經丹徒之苦竹村為勢豪所阻光緒十八年

知府王仁堪振興水利委員疏濬擬通朱灣崗而出

海溪口因崗高未果

南河 在埤城之南受彭山經山陳山下注之水東接
太平河長約十餘里舟楫不通農田資水利者數百
頃

濫泥洪河 在縣東北之朱巷溉民田數百頃其利甚
溥歲久湮塞民田水利早失明萬曆三十七年里人
朱倌朱偁等請於操院丁公規復故址操院扎飭知
縣曠鳴鸞查明故制委任主簿沈應隆照章濬治水
道大通賴以永濟當時立有濫泥洪河碑記操院丁
公生祠並碑記現碑仍存在

丹陽縣志補遺

卷之一 山水

九

永豐河 在訪仙橋南由九曲河分流折而至呂城入
運河長二十五里明萬曆間知縣韓萬象以十六都
境內水利不興旱澇兩困委任縣丞傳來譽督同里
人張應登謝應芳開濬當時邑人荆之琦撰有億兆
報功生祠碑記

港口河 在縣東三十里西通簡瀆河東通珥瀆河西
南通金壇茅山河兩岸農田數百頃資其灌溉

小墟河 在縣北七里九曲河支流也長可二十里兩
岸溝澮分歧上承馬蹟山之水引九曲河之潮河
口有閘一座以時啟閉民田沾水利者千數百家

溥河 在縣東三十六里自呂城三板橋起北達超瓢港巨長五十里今則泰半湮塞僅自柴莊起至武進之嚴橋止可資灌溉

文曲河 在縣東五十五里實丹陽武進之界溝清嘉慶時開濬成河因名文曲

橫河 在縣東北五十里永濟仁信以河爲界

虞巷河 在縣東北三十六里季子廟前宋時因虞姓居此得名明時孫宦復由嚴山遷居河北從事疏濬至今歲旱不涸

張溝河 在訪仙橋東南西引九曲河南入永豐河

丹陽縣志補遺

卷之一 山水

十

林港界港趙家港 在縣東北七十里

太平港 在縣東北六十五里與丹徒毘連內分新河口曾港白茅港萬家港等支流灌溉田禾宣洩山水農民永利賴之

六圩港王連橋港老鴉港柳泗港桃花港 在縣東北六十五里均與丹徒毘連賴以灌民田濟民食

超瓢港與武進界毘連上通孟河下達夾江可以灌田

禾濟民食

按以上各港在縣治北濫洲忠心洲阜民洲新洲邊洲各地港窄蓄水無多宣洩亦緩每遇暴雨盛潮竟

日不止遂成澤國

東城港 在縣東二十五里港側卽中邱埭埭西爲齊

梁二代陵

飲馬池

見前志
古蹟

十里界溝南通溥河永豐河竇家支河西通九曲河約
長三十里

嘉山溝經曉麗橋通九曲河

橫溝爲九曲河西行支流

東溝爲九曲河北行支流

西溝爲九曲河北行支流

畫溝自曉麗橋引九曲河北行

丹陽縣志補遺

卷之一 山水

十一

漕溝爲九曲河北行支流

十里溝經曉麗橋直達新河

洪家溝自東洋橋通九曲河

韋昭祠古井 在縣南延陵鎮東相傳爲三國時之舊

嘉井 在縣東呂城嘉井里昔有五井爲宮商角徵羽

咸豐庚申亂後里東商角徵三井堙塞惟羽井在里

西石橋北數武清澈見底宮井在里中諸葛祠深可

五丈餘大旱不竭

南灑洲北固洲茅洲團洲濫洲阜民洲忠心洲新洲邊

洲寶善洲永勝洲賓興洲公益洲同樂洲 在縣北

六十里

蔣家沙輪船沙尹沙木排沙蔭變沙五沙六沙 在縣

北六十里

附考證

太夾岡

按郡志夾岡俗分大小名之在丹徒縣南曰小夾岡在丹陽縣北曰大夾岡太字誤

千墩注詳見古蹟

按光緒志古蹟無此條

簡瀆河注知縣魏佩蒼開

乾隆志作蒼佩

相瀆一名直瀆又名扁擔河宋王存自杭州歸丹陽舊

居遵經重堰不能速達鄉人自奔牛開直瀆南通白

鶴溪以便其行故名相瀆

考京口山水志稱南畿志載丹陽有直瀆孫皓所開

丹陽縣志補遺

卷之一 山水

十二

則王存之事誣也又諸葛程雲陽三十古蹟詩歸休亭子下小序稱諸葛廣以熙甯六年致仕回里開越瀆河以通舟楫世稱相瀆據此則相瀆之名又不在直瀆而在越瀆

馬嘶港注詳見古蹟

光緒志古蹟無此條

白鶴灣源出繡毬山東行二十里入九曲河

按白鶴灣距繡毬山

甚遠中間無水道相通蓋以前繡毬山上有此鶴泉東行二十里入九曲河故錯簡重出於此

丹陽縣志補遺卷之一終